




KIRUNA KOMMUN
Socialförvaltningen

MAKSOJA

2025



Valtiopäivät päättävät räknäyssäänöistä maksoile joka vuosi. Vuele 2025 päätethiin maksitaksa olheen 2 642 kr/kuussa. Perustheena minkä makson sie piät maksaa, sosiaalihalinto noutaa tietoja Försääkrinkikassasta ja Verovirastosta.



Sisäletulotietoja

Samala ko sulle myönethään toimi sosiaalihalinnolta sie saat jättää sisäle sisäletulotietoja erityiselä planketilla. Kunta halvaa pittää sinun kostanuksia toimista niin matalalla ko maholista. Ette saaja sinun asumiskostanuksen päätetyksi, se oon TÄRKEÄTÄ ette sie tehet hakemuksen asuntolisästä, riippumatta jos sie uskot ette sie saat asuntolisän elikkä et. Hakemuksen asuntolisästä sie tehet Pansuunivirastolta elikkä Försääkrinkikassalta jos sie olet alle 65 vuotta. Ko sie saat päätösperustan sie lähätät sen maksokäsitteliän työ. Vaikka sulle ei myönetä hakemusta asuntolisästä, sie saat päätetyn asumiskonstanuksen. Niitten tioitten mukhaan sie tulet saahmaan kirjotetun päätöksen maksosta ja kunka se oon räknätty. Hakemusplanketin asuntolisäle sie löytät webbipaikalta: www.pensionsmyndigheten.se/bostadstillagg elikkä soita asiakaspalvelhuun telefoni: 0771-77 67 76.



Maksoja

Kunnan hoitomaksot laskutethaan tehtyn aijan mukhaan joka kuukausi. Uuessa maksosysteemissä, Kirunan kunta laskuttaa maksot jälkikätheisesti. Se merkittee ette toimit jotka sie saat tehtyksi tammikuussa 2025 tulhaan laskuttahmaan helmikuussa 2025.

Maksot jotka Kirunan kunta ottaa ulos, liitethään **hintapaasisumhaan** joka muuttuu vuosittain. Maksot Kirunan kunnassa räknäthään ulos tiimataksan mukhaan (maksitaksa kuukausittain/20), jossako maksitakshaan 2 642 kruunua päästhään ko oon ollu **20 tiimaa toimia** (tehty aika). Tehty aika kaikista sinun toimista räknäthään yhtheen kuukauen aikana ja sie maksat 131 kruunua per tiima 2 642 kruuhnuun saakka kuukaussa. Jos yhtheenräknätty aika tullee korkeamaksi ko 20 tiimaa, sie et kuitenkhaan maksa ko 2 642 kr/kuukausi tehtyistä toimista.

Makso vaimoile, miehile ja parile räknäthään ja laskutethaan itte kuki eriksen, jossako molemilla oon suoritettuja toimia.

Toimit jotka tehään sinun tykönä, päätethään avustustarkastuksen mukhaan avustuskäsitteliältä.

Terhveys- ja saihraanhoito/rehapiliteerinki

Sinua, joka olet kotihoitopotilas, laskutetaan makso joka on 271* kr/kuukauessa. Jos sie et ole kotihoitopotilas, sie maksat 271 kr/kotikäynti. Jos on tarve saaja useampia kotikäyntiä vuorokauden sisäle, sinua laskutetaan vain 271 kr, riippumatta kuka kotikäyntiä varraa. Makso kotikäyntistä otetaan kaikilta riippumatta sinun ikkää, Kunnanvaltuuston päätöksen mukhaan. Maksitaksa jällaa, ja siiheen kuuluu kansa omamakso inkontinensiapuvälihneile. Jos sulle on määrätty muita apuvälihneitä sinua laskutetaan omamaksola joka vastaa Rekiuuni Norrbottenin taksaa. Maksitaksa ei jällaa näitten apuvälihneitten omamaksoa.

Sosiaalihalinto on päättänyt, että HSL:n toimeksiannoista veloitetaan sama tuntiveloitus kuin kotihoidosta 131 kruunua.

Erityisissä asumisissa sinua ei laskutetta erityiselä maksola terhveys- ja saihraanhoitotoimista, koska se kuuluu omahoitokostanukshiin. Jos sulla sairalakäynin jälkhiin on aputarpeita koissa jotka on suuria elikkä hankalia mitata, niin avustuskäsitteliä saattaa myöntää sulle toimin **kotikäyntitiimi**. Toimi maksaa 326 kruunua ja saatetaan myöntää kahtheen viikhoon asti siitä taatumista lähtien ko sie jätät sairalan. 14 päivän jälkhiin sie saat avustuspäätöksen toimista koissa ja maksat makson tehtystä aijasta.

**Denna avgift kan komma att beslutas om att ändras från och med 1 maj till ny taxa på belopp 300kr/mån.*

Erityinen asuminen

Hyyry: Hyyrykontrahtin mukhaan.

Ko hyyrykontrahti kirjotetaan sisälesiirtymisessä erityisheen asumisheen sie joka olet yksinhäinen saatat hakea sovittelun tupla-asumismaksosta. Maholinen hyyrysovitus on rajotettu tuplale hyyrykostanusaijale ja on enniiten kolmena kuukautena. Hakemusplanketti on Kirunan kunnan kotisivula. Planketin pittää jättää kostanuskäsitteliälle samassa ko hyyrykontrahti kirjotetaan.

Ruokakostanukset: 5 033 kr per kuukausi (166 kr per päivä).

Vieraspäiväruoka /murkina: Omhainen saattaa tilata päivärüan elikkä murkinan joka maksaa 91 kr per ruoka.

Makso: Maksitaksa

Sie laitit itte lääkenheethiin kartiinit ja sänkyvaatheet jnp.

Muita maksoja

Lyhy aika-asuminen/ Siihainen

Sulle joka asut lyhy aika-asumisessa elikkä jos sulla on tarve siihaista, sie maksat hoitomakson maksitaksan mukhaan 2 642 kr/kuukausi, ruokamakson 166 kr per päivä ja 54 kr/vuorokausi pyykiehneen, pesolapuitten, sänkyvaatheitten ja pyykinpeson kostanuksista.

Jos sie olet lyhy aika-asumisessa oottaessa erityistä asumista ja sanot ei tarjotetulle lääkenheetile, sie saat seuraavana päivänä maksaa erityisen makson lyhy aika-asumisesta. Makso on räknätty 76 kr/vuorokausi. Makso ei kuulu maksitakshaan.

Ruokakostanus lyhy aikakoissa, SAVO:ssa ja Resyrsikeskustassa

Kokovuorokausiasuminen – 166 kr/päivä.

Puolivuorokausiasuminen – 93 kr/puolipäivä.

Ruokakostanus tavalisessa asumisessa

Kostanus: 84 kr per ruoka.

Sulle ilman muita toimia, tullee makso ruanulosajamisesta 234 kr/kuukausi. Jos useamalla henkilöllä huushollissa on ruanulosajaminen, tet maksatta vain yhen ulosajomakson.

Turvalarmi

Tikitaali turvalarmi, hyiry: 204* kr per kuukausi matkhaanräknätty tillaus ja maksot larmihälytyksestä ja testilarmista.

Turvalarhmiin tullee lisäksi hoitomakso, tiimataksan mukhaan tehtystä aijasta, 131 kruunua per tiima.

**Denna avgift kan komma om att beslutas att ändras från och med 1 maj till ny taxa på belopp 304kr/mån.*

Peso, Ostokset

Jos sulla on tarve pesosta sie maksat kuukausimakson 234 kr/kuukausi.

Jos sulla on tarve ostoksista esimerkiksi ruanostoksista, pikkuostoksista elikkä aputeekki-asioista, sie maksat 234 kr/kuukausi siitä toimista.

Asumistuki

Jos sulla on tarve asumistuesta sulle myönethään se tuki avustuskäsitteliältä ja sinua laskutethaan omamaksosta tiimamakson mukhaan tehtystä aijasta, 131 kr per tiima, joka kuukausi.

Säänös

Varraussumma omassa asumisessa

Varraussummassa omassa asumisessa oon miinimisumma ja asumiskostanus.

Miinimisumma pittää peittää net intivityelli- ja huusholliyhtheiset kostanukset Konsymenttiviraston referensiarvoitten mukhaan. Kansalinen mataliin varraussumma oon päätetty ja vuele 2025 summat sulle joka olet 65 vuotta ja vanheempi oon:

| | |
|--------------------------------|------------------------------|
| Yksinhäinen, oma asuminen | 7 247 kr |
| Vaimo, mies/pari, oma asuminen | 11 824 kr (5 912 kr/henkilö) |

Sen lisäksi oon päätetty mataliin varraussumma sulle joka olet 64 vuotta elikkä nuorempi:

| | |
|--------------------------------|------------------------------|
| Yksinhäinen, oma asuminen | 7 972 kr |
| Vaimo, mies/pari, oma asuminen | 13 006 kr (6 503 kr/henkilö) |

Ette kunta saattaa ottaa päätöksen varraussummasta, met **häymä** saaja sinun asumiskostanuksen päätetyksi. **Hakemalla asuntolissää** sinun asumiskostanus päätethään Försääkrinkikassalta elikkä Pansuunivirastolta ja kunta saattaa laskuttaa sinua oikeasta maksosta sinun hoitotoimista.



Varraussumma erityisessä asumisessa

Erityisissä asumisissa sulle varmistethaan niin sanottu karantiisumma. Karantiisumma oon kunnallinen karantii kohtuuliselle elämistasole koskevan rahoja henkilökohtasille tarpheile, ko sinun ulosmenot hyyryle, ruale ja hoitomaksole oon maksetut. Karantiisumman koko päätethään vuosittain aktyellin elatustukinormin mulkhaan ja vuele 2025 summa oon 1 830 kr yksinhäisele ja 2 914 vaimole ja miehele/parile.

Ette kunta saattaa karanteerata sulle tätä summaa, sie **häyt** hakea asuntolissää. Sillä laila kunta saattaa saaja asumiskostanuksen päätetyksi ja valvoa ette sulla oon vähhiinthääns karantiisumma jäljelä ko hyyry, ruoka ja hoitomaksot oon maksetut. Karantiisumma pittää peittää sinun omat kostanukset Konsymenttiviraston referensiarvoitten mukhaan. Kunta saattaa vissitten olosuhtheitten mukhaan päättää miinimisumman korkeamalle tasole tyyristynheitten kostanuksitten seurauksenna esimerkiksi holhoojalle.

Vähentämiset ko oon pojessa, hoitomakso

Vähentäminen hoitomaksosta ko sitä oon pojessa:

- **Erityisessä asumisessa:** ko oon pojessa enämpi ko 20 päivää niin koko makso vähenethään. Muuten ei yhthään vähentämistä.
- **Omassa asumisessa:** kohtuullisuus jonka osastajohtaja päättää.

Makson vähenystä saatethaan tehä aktyellin pojessaolokuukauen aikana jos sie etukätheen ilmoitat suunniteltun pojessaolon. Muuten maholinen vähenys tapahtuu jälkikätheisesti.



Säänöksiä

Vähennyksiä ko oon pojessa, kokoruoka

Päiväruoka ja murkina oon pääruat. Jos sie olet pojessa jostaki pääruasta se tehään vähenys puolela ruokamaksola. Toisin sanottu, jos sie olet pojessa yhestä päiväruasta elikkä murkinasta niin se maksovähennys tehään 83 kruunula. Muuten vähenethään vain koko päivän pojessaoloa.

Maksaminen

Hojjon, kokoruan ja larmin kostanuksia laskutethaan sisäläolevan kuukauen aikana, jäkhiinpäin. Ruoka-annokset omassa asumisessa, ruokamakso siihaistamisessa ja ruoka Savole, Resyrsikeskustalle ja Lyhyaikakoile laskutethaan 1 kuukauen jälkikätheisesti.